

REGLEMENT FOR GODTGJERSLE OG ARBEIDSVILKÅR FOR FOLKEVALDE I VESTLAND FYLKESKommUNE

Reglementet har til føremål å sikre folkevalde kompensasjon for sin arbeidsinnsats, erstatning for tapt inntekt og dekking av reelle utgifter i samband med utøving av vervet.

Reglementet gjeld for folkevalde og andre medlemar av fylkeskommunale organ. I tillegg gjeld reglementet for fylkeskommunane sine tillitsvalde i fylkeskommunale organ.

Reglementet er utarbeidd med grunnlag i kommunelova §§ 41, 42 og 43.

Det vert vist til punkt 14 i dette reglementet for satsar for godtgjersler og vederlag, samt regulering av satsar.

1. FASTE GODTGJERSLER

Følgjande folkevalde skal ha faste godtgjersler:

- Fylkesordføraren
- Fylkesvaraordføraren
- Fylkestingmedlemene
- Fylkesutvalmedlemene
- Leiarane for hovudutvala og kontrollutvalet
- Hovudutvalsmedlemene
- Kontrollutvalsmedlemene
- Leiarane for:
 - Yrkesopplæringsnemnda
 - Eldrerådet
 - Fylkesrådet for menneske med nedsett funksjonsevne
 - Trafikktryggingutvalet
 - Styret for fagskuleutdanninga

1.1. Fylkesordføraren

Godtgjersla vert fastsett for kvar valperiode av det konstituerande fylkestinget.

1.2. Fylkesvaraordføraren

Godtgjersla er sett til stortingsrepresentantane si godtgjersle.

1.3. Andre folkevalde

Godtgjersla til folkevalde, med unntak av fylkesordførar og fylkesvaraordførar, får berekna godtgjersla si med grunnlag i 90 % av stortingsrepresentantar si godtgjersle.

1.4. Godtgjersle til ulike politiske funksjonar og roller

Fylkesutvalsmedlem

Som fylkesutvalsmedlem vert ein rekna for å vere frikjøpt tilsvarande 50 % stilling. Funksjonen som fylkesutvalsmedlem inneberer at ein også sit i eit hovudutval. Godtgjersla som fylkesutvalsmedlem skal også dekke rolla som hovudutvalsmedlem. Fylkesutvalsmedlemene får difor ikkje fast godtgjersle som hovudutvalsmedlem eller vederlag for tapt inntekt for møte i hovudutvala i tillegg til si faste godtgjersle som fylkesutvalsmedlem.

Leiarane for hovudutvala og kontrollutvalet

Som leiar i eit av hovudutvala eller kontrollutvalet er ein frikjøpt tilsvarande 50 % stilling. Funksjonen som leiar inneberer at når ein møter i kraft av rolla som hovudutvalsleiar eller kontrollutvalsleiar får ein ikkje utbetalt møtegodtgjersle eller vederlag for tapt inntekt i tillegg til si faste godtgjersle.

Gruppeleiarane i partia

Gruppeleiarane i partia får ei fast godtgjersle tilsvarande 50 % stilling. Rolla som gruppeleiar inneber å leie og koordinere det politiske arbeidet som partigruppa utøver i fylkestinget. Godtgjersla dekker møtegodtgjersle, vederlag for tapt inntekt, førebuing og deltaking i møter, konferanse, synfaring m.m. i eigenskap av gruppeleiar.

Dersom fylkesvaraordføra er gruppeleiar, vert gruppeleiar godtgjersla overført til partigruppa. I slike tilfelle fordeler partigruppene midlane sjølve. Stønadene vert utbetalt på grunnlag av gruppeleiar sin attestasjon.

1.5. Frikjøp tilsvarande heil stilling

Fylkesordføraren og fylkesvaraordføraren og andre folkevalde som i sum har faste godtgjersler tilsvarande 100 % stilling skal reknast for å vere 100% frikjøpte.

Det inneber at godtgjersla er ei totalgodtgjersle som omfattar fast godtgjersle, møtegodtgjersle og vederlag for tapt inntekt for alle verv vedkomande har, der valet eller oppnemninga er resultat av direkte vedtak i eit fylkeskommunalt vedtaksorgan.

1.6. Reduksjon i fast godtgjersle

Dersom ein representant har fråvær i meir enn 25% av møta, vert den faste godtgjersla redusert tilsvarande det totale fråværet. Dersom fråværet skuldast anna fylkeskommunal verksemd, sjukdom eller fødsels- og adopsjonspermisjon, vert det ingen reduksjon i den faste godtgjersla. Føresetnaden er at ein har teke til i vervet.

Godtgjersle utbetalt under sjukdom eller fødsels- og adopsjonspermisjon, jf. avsnittet ovanfor, skal samordnast med eventuelle ytingar frå NAV. Tilkjende ytingar frå NAV vert å betala attende til Vestland fylkeskommune.

Grunnen til fråværet skal opplystast. Fylkesordføraren avgjer om fråværet skal telje med i «25% -regelen». Godtgjersla vert i alle høve ikkje betalt utover den perioden ein er vald for.

Dersom fylkesutvalet/hovudutvalet har samrådingar, synfaringar, temamøte eller liknande dagen før eller etter eit møte med sakshandsaming, vert også denne dagen rekna som møtedag i høve til «25%-regelen».

1.7. Fast godtgjersle til varamedlem

Varamedlem som møter i meir enn 25% av møta får prosentvis fast godtgjersle i høve til frammøte. Det vert då ikkje betalt møtegodtgjersle. Det same gjeld for nestleiarar som fungerer for leiar med fast godtgjersle. Det vert føreteke ei avrekning mot slutten av året for dei representantane dette er aktuelt for.

2. MØTEGODTGJERSLE

2.1. Møtegodtgjersle

Møtegodtgjersle for representantar i fylkeskommunale organ vert utbetalt for kvar møtedag i same organ.

Representantane som har fast godtgjersle har ikkje krav på møtegodtgjersle for møte i det utvalet dei har fast godtgjersle i, eller når ein møter i kraft av si stilling som til dømes hovudutvalsleiar, fylkesutvalsmedlem, gruppeleiar m.m. Varamedlemer har krav på møtegodtgjersle.

Fylkesutvalmedlemene får ikkje møtegodtgjersle for møte som følger av fylkesutvalet sine andre roller og funksjonar. Dette gjeld til dømes finansutval, planutval, klagenemnd og andre spesielle funksjonar. Leiarane av hovudutvala og kontrollutvalet får ikkje møtegodtgjersle for møte der dei møter i funksjon som hovudutvalsleiar/kontrollutvalsleiar, t.d. i finansutval og planutval.

Valde representantar til m.a. årsmøte, generalforsamlingar, arbeidsgrupper, styringsgrupper, interkommunale utval m.m. får utbetalt møtegodtgjersle med 50 %, når slik godtgjersle ikkje vert betalt av andre.

2.2. Telefonmøte

Ved telefonmøte og nettmøte i folkevalde organ frå heim/arbeidsplass skal møtegodtgjersla etter punkt 2.1 utbetalast med 50 %.

2.3. Fleire møte same dag

Dersom folkevalde møter i fleire utval same dag, har dei rett på møtegodtgjersle for begge utvala.

2.4. Dobbelt møtegodtgjersle

Utvalsleiarar som ikkje har fast godtgjersle får dobbelt møtegodtgjersle.

Nestleiar eller andre som må leie heile møte i leiaren sitt fråvær får dobbelt møtegodtgjersle.

2.5. Arbeidstakarrepresentantar

Arbeidstakarrepresentantar i folkevalde organ har same rettar til godtgjersle etter regulativet som dei folkevalde medlemene av organet.

Møtegodtgjersle vert ikkje gitt til arbeidstakarar som møter i kraft av si stilling.

2.6. Presiseringar

Møtegodtgjersle vert gitt til mellom anna:

- Varamedlemer i Fylkestinget, fylkesutvalet, hovudutvala og kontrollutvalet.
- Møtande medlem og varamedlemer i Vestlandsrådet
- Valde representantar til m.a. årsmøte og generalforsamlingar
- Møtande medlemmer og varamedlemer i andre råd og utval (t.d. fylkesråd for eldre, fylkesråd for menneske med nedsett funksjonsevne, fagopplæringsnemnda, trafikktryggingsutvalet)

3. VEDERLAG FOR TAPT ARBEIDSINTEKT

Folkevald skal ha vederlag for tap av inntekt som følgje av ombodet.

Det gjeld *ein* sats for legitimert tap og *ein* sats for ulegitimert tap, jf. punkt 14. .

Dersom det ikkje ligg føre dokumentasjon på inntektstapet, vert vederlaget gitt etter satsen for ulegitimert tap.

Vederlag kan givast til arbeidstakarar, sjølvstendig næringsdrivande og personar utan arbeidsinntekt dersom dei må forsøme sine ordinære gjeremål for å ivareta tillitsvervet, t.d. husmødre, studentar og pensjonistar.

Fylkesrådmannen avgjer i kvart tilfelle om det ligg føre faktisk inntektstap.

3.1. Unntak

Folkevalde som er frikjøpt tilsvarande minst 50 % stilling får ikkje betalt vederlag for tapt inntekt når ein møter i eigenskap av rolla si. Dette gjeld:

- Gruppeleiarane
- Leiarane i hovudutvala og kontrollutvalet
- Fylkesutvalsmedlemene

Fylkesutvalsmedlemene får ikkje vederlag for tapt inntekt for møte som følgje av fylkesutvalet sine spesielle funksjonar, t.d. funksjonen som finansutval, fylkesplanutval og klagenemnd.

3.2. Personar med lønsinntekt

Tapt arbeidsforteneste skal dekkast ved at arbeidsgivar fakturerer kommunane/fylkeskommunane direkte for fråvær, for å hindre at folkevalde taper pensjon.

3.3. Sjølvstendig næringsdrivande

Dersom inntektstapet er større enn satsen for ulegitimert tap, kan inntektstapet dokumenterast med likningsattest for det siste året. Som alternativ kan ein ta utgangspunkt i gjennomsnittet for likningsattestane for dei tre siste åra.

Kapital- og pensjonsinntekter som kjem inn uavhengig av eige nærver på arbeidsplassen vert ikkje medrekna i grunnlaget. Det er den pensjonsgivande inntekta korrigert for godtgjersla folkevalde har fått utbetalt frå fylkeskommunen som skal leggest til grunn.

Inntektstapet pr. dag vert utrekna etter netto årsinntekt dividert på 260 dagar.

3.4. Personar utan lønsinntekt

Denne gruppa får dekkast tap tilsvarande satsen for ulegitimert sats.

3.5. Folkevald tilsett i fylkeskommunen

Fylkeskommunal folkevald som er tilsett i fylkeskommunen får utbetalt si ordinære løn i fylkeskommunen.

Ved fråvere utover 10 dagar per år kan vedkomande institusjon krevje refusjon for ev. vikarutgifter. Refusjonskrav vert å sende fylkesrådmannen.

4. GODTGJERSLER VED DELTAKING PÅ KURS, SYNFARING OG LIKNANDE.

4.1. Kurs, konferanse o.l.

Ved deltaking på kurs, konferansar, folkemøte og liknande vert det gitt vederlag for tapt inntekt og skyss-, kost- og opphaldsgodtgjersle. Det vert ikkje gjeve møtegodtgjersle. Det vert ikkje betalt vederlag for tapt inntekt dersom ein deltek i eigenskap av rollene nemnt under punkt 1.4.

Slik deltaking skal vera avtala og godkjent av fylkesordførar eller utvalsleiar.

4.2. Synfaringar o.a. arbeid utanfor møta

Ved deltaking på synfaringar og anna arbeid utanfor møta som vert gjort av det samla utvalet, vert det gitt vederlag for tapt inntekt og skyss-, kost- og opphaldsgodtgjersle, men det vert ikkje betalt møtegodtgjersle.

Det same gjeld når utvalet, fylkesordføraren eller fylkesrådmannen har bede om at ein eller fleire medlemmer føretek synfaring.

5. VEDERLAG FOR PÅFØRTE UTGIFTER

5.1. Utgifter i samband med tilsyn til barne under 12 år, funksjonshemma, eldre og sjuke

Legitimerte ekstrautgifter som er naudsynte i samband med tilsyn av barn under 12 år, funksjonshemma, eldre og sjuke vert dekt. Maksimalt vederlag per dag er vist i punkt 14.

Alderen på barnet og at tilsynet har funne stad, skal dokumenterast.

6. SKYSS- OG KOSTGODTGJERSLER M.M.

Dei folkevalde skal ha skyss-, kost- og opphaldsgodtgjersle etter det kommunale reiseregulativet ved møter eller oppdrag på vegne av fylkeskommunen.

6.1. Skyssgodtgjersle

Den folkevalde får dekkja reiseutgifter frå heimstaden/arbeidsstaden.

Dersom den folkevalde på grunn av utdanning, verneplikt eller liknande oppheld seg ein annan stad enn heimstaden, vert det dekkja reiseutgifter til og frå den staden ein oppheld seg som følgje av dette.

Det er høve for fylkeskommunale folkevalde representantar å nytt eige skyssmiddel for reiser til og frå møte.

6.2. Overnattingsgodtgjersle

Når det vert lagt opp til at overnatting vert dekkja av fylkeskommunen vil det gå fram av innkallinga til dei fylkeskommunale møta.

Fylkeskommunen dekkjer overnatting:

- Når fylkeskommunale møte eller møte representanten deltek på som fylkeskommunal folkevald/på vegne av fylkeskommunen går over fleire døger, eller representanten må møte på møte påfølgjande dag og reiseavstand til heimen er på 150 km med bil eller 2,5 time reise med kollektive transportmiddel (målt etter www.vegvesen.no/trafikk hjå Statens vegvesen.
- Når det ikkje er praktisk mogeleg å komme seg heim med kollektiv reise, eller at heimreise medfører urimeleg lang tidsbruk for representanten dersom representanten skal på fylkeskommunale oppdrag neste dag.
- Dersom møtet varer så lenge ut over kvelden at representanten ikkje kan nå heim same dag.
- Reglane gjeld tilsvarande for gruppemøter før fylkestingsmøte.
- Fylkesordføraren tolkar regelverket og kan gjera unntak til dømes ved ekstremver, brot i samferdsletilbod, vegsteining eller særskilte behov som sjukdom med meir.

Fylkestingmedlemer som bur heime eller privat under tingseta, skal ha kost- og overnattingsgodtgjersle etter regulativet, men slik at dagane vert rekna som *ei* samanhengande reise.

7. UTGIFTER TIL TELEFON OG BREIBAND

7.1. Telefon

Fylkeskommunen held mobiltelefon for fylkesordførar og fylkesvaraordførar, og dekkjer alle utgiftene ved abonnementet, jf. elles fylkeskommunen sitt telefonreglement så langt det passar.

Fylkestingmedlemene elles og leiaren for kontrollutvalet får ei fast telefongodtgjersle pr. år, jf. punkt 14.

7.2. Breiband

Fylkestingmedlemene skal ha ei årleg godtgjersle til dekking av utgifter til breiband, jf. punkt 14. Dei ordnar sjølve med tinging og vedlikehald av breibandet.

8. PENSJONSMEDLEMSKAP OG FORSIKRINGAR

8.1. Medlemskap i KLP

Folkevalde skal ha medlemskap i Kommunal Landspensjonskasse (KLP).

8.2. Tap av pensjonsrettar

Folkevald som vil tape pensjonsrettar som følgje av redusert stilling/fråvær frå sitt ordinære arbeid får refundert arbeidsgivardelen av den tilleggspremien som må betalast for å oppretthalde pensjonsmedlemskapen.

Det vert ikkje gitt refusjon når pensjonsmedlemskap knytt til det politiske vervet minst kompenserer for det tap i ytingar som manglande innbetaling av tilleggspremie vil resultere i. Ved berre delvis tap i ytingar etter ei slik samordning skjer det ei høvesvis avkorting i refusjon av tilleggspremie.

8.3. Gruppelivsforsikring

Folkevalde som er medlem i pensjonsordninga i KLP er også dekkja av fylkeskommunen si gruppelivsforsikring som har heimel i Hovudtariffavtalen kap. 1, § 10.

8.4 Reiseforsikring

Det er teikna reiseforsikring for folkevalde. Ordninga gjeld for tenestereiser og kun desse.

9. ORDNINGAR FOR FYLKESORDFØRAR, FYLKESVARAORDFØRAR OG HOVUDUTVALSLEIARANE

9.1. Husvære

Fylkeskommunen skal etter behov syte for høveleg husvære og dekkjer dei faste utgiftene med leige, straum m.m.

9.2. Dekking av spesielle reiseutgifter, m.v.

Fylkeskommunen dekker reiseutgifter til og frå heimstad ein gong per veke og i samband med høgtider. Skyss- og kostgodtgjersle vert gjeve etter det kommunale regulativet.

10. POLITIKARDAGAR

Leiurar/medlemer i andre utval som ikkje er medlemer i fylkestinget skal, med utgangspunkt i innkalling frå fylkesordføraren, ha høve til å møte på politikardagar dersom det er aktuelle saker som vedkjem deira utval. Dei skal då få dekkja utgiftene til reise, overnatting, møtegodtgjersle og eventuell kompensasjon for tapt arbeidsinntekt.

11. ETTERGODTGJERSLE

Folkevald som har hatt verv på minst halv tid og som ikkje vert attvald, eller som får vervet redusert, skal få ettergodtgjersle slik:

- Folkevald som ikkje har arbeid å gå til får ettergodtgjersle i tre månader.
- Folkevald som har arbeid å gå til får ettergodtgjersle i ein og ein halv månad.

Ettergodtgjersla skal vere lik den faste godtgjersla vedkomande hadde, ev. differansen mellom denne og ny godtgjersle.

12. INNLEVERING AV REISEREKNING M.V.

Reiserekning med krav om godtgjersler og vederlag skal leverast seinast tre månader etter at møtet er halde.

Fylkesrådmannen avgjer om vesentleg brot på denne fristen skal medfører at reiserekninga skal reknast for å vere forelda.

Utbetalt reiseforskot vert trekt ved oppgjeret av reiserekninga.

13. FRIKJØPSORDNINGA

Stønad til frikjøp for politisk arbeid vert gjeve til partigruppene i fylkestinget med 45 000,- per fylkestingsrepresentant per år. Frikjøpsmidlane vert utrekna og fordelt på fylkestinget sine medlemmer, med unntak av fylkesordførar, fylkesvaraordførar og gruppeleiarane. .

Fylkesordførar, fylkesvaraordførar og gruppeleiarane vert difor halde utanfor ordninga. Beløpet per fylkestingsrepresentant vert regulert i samsvar med tariffjusteringar.

Partigruppene fordeler midlane sjølve. Stønadene vert utbetalt på grunnlag av gruppeleiareren sin attestasjon.

Når fylkeskommunen føretek utbetaling direkte til eit medlem vert dette registrert som honorar, og det vert trekt skatt og rekna arbeidsgivaravgift av beløpet.

14. REGULATIV FOR GODTGJERSLER OG VEDERLAG TIL FOLKEVALDE

Godtgjerslene og vederlaga som er fastsette i vedlagde regulativ skal regulerast kvart år pr. 1.mai.

Folkevalde vert rekna som frikjøpt tilsvarande 100% stilling når ein i sum har godtgjersle tilsvarande 90 % av stortingsrepresentantar si godtgjersle. Godtgjerslene er difor rekna med eit grunnlag pr. 1.5.2018 på 860 850 kr.

Dei nye satsane vert slik:

1. Faste godtgjersler per år:

	%-sats	Beløp
fylkesordførar		kr 1 300 000
fylkesvaraordførar		kr 956 500
Grunnlag for vidare berekning (956 500 x 0,9 = 860 850 kr)	100 %	kr 860 850
Leiar i HU	50 %	kr 430 425
Leiar i KU	50 %	kr 430 425
Fylkesutvalsmedlem	50 %	kr 430 425
Fylkestingsmedlem	4,7 %	kr 40 210
Hovudutvalsmedlem og kontrollutvalsmedlem	3,5 %	kr 30 130
Leiar yrkesopplæringsnemnda	3 %	kr 25 826
Leiar for trafikktryggingsutvalet	3 %	kr 25 826
Leiar for styret for fagskuleutdanninga	3 %	kr 25 826
Leiar for fylkesråd for eldre	3 %	kr 25 826
Leiar for fylkesråd for menneske med nedsett funksjonsevne	3 %	kr 25 826
Gruppeleiarar		
inntil 5 medlem i FT	30 %	kr 258 255
frå 6-9	40 %	kr 344 340
10 eller meir	50 %	kr 430 425
Telefon og breiband godtgjersle		kr 5 400

2. Godtgjersler og vederlag per møtedag:

		Beløp
Møtegodtgjersle		kr 1 400
Vederlag for ulegitimert tap i inntekt		kr 1 500
Vederlag for legitimert tap i inntekt	inntil	kr 4 000
Vederlag for påførde legitimerede utgifter	inntil	kr 1 500

[... Sett inn saksutredningen over denne linja ↑](#)